



Universitätsbibliothek Paderborn

**Hermes Theologicvs, Id est Synopsis totius Theologiæ,
perspicuè, doctè, subtiliter, ac breviter discussa**

Et In octo Partes ... distincta ...

De Iustitia Et Contractibvs

Vindalium, 1646

Sect. II. De restitutione ob damna corporis, famæ, fortunæ.

urn:nbn:de:hbz:466:1-38850

SECTIO II.

*De restitutione ob damna corporis,
Fama, Fortune.*

CONCLUSIO I.

Qui proximum iniuste læsit in bonis corporis, occidendo, aut mutilando, aliquo modo restituere tenetur.) Priusquam hoc declaretur, quærendum est, quandonam homicidium sit licitum, vel illicitum. S. Thomas 2.2. quæst. 64. docet 1. licitum esse plantas, & animalia vita priuare ad usum hominum; eò quod plantæ communiter sunt propter animalia, & omnia animalia propter hominem. 2. licitum esse occidere malefactores, ut commune bonum conseruetur; sicut laudabiliter abscinditur membrum putridum, ne reliquum corpus corruptat. 3. authoritatem occidendi malefactores, non cōpetere personis priuatis; sed tantum Principibus, & Iudicibus, quibus cura boni commanis, ad quod occisio malefactorum tendit, cōmissa est. 4. non licere clericis, malefactores occidere, tūm quia offerunt sacrificium altaris, repræsentās passionē

DE I V S T I T I A . C A P . VI . 133

Christi occisi, qui cum percuteretur, non
repercutiebat; tum quia clericis com-
mittitur ministerium nouæ legis, in qua
non determinatur pœna occisionis, vel
mutilationis corporalis. 5. non licere
seipsum occidere, tum quia hoc est con-
tra charitatem, quâ quilibet debet seip-
sum diligere; tum quia se occidens, fa-
cit iniuriam communitati cuius est pars;
tum quia cùm homo sit Dei, qui seip-
sum vita priuat, in Deum peccat; sicut
qui alienum seruum interficit, peccat in
dominum, cuius seruus est. Vnde nemini
licet se occidere, ut transeat ad vitam
fœliciorem, vel ut huius vitæ miseras
vitet, vel propter peccatum commissum,
vel propter timorem eonsentiendi in
peccatum. Et similiter non licet fœ-
minæ sibi mortem inferre, ne ab
alio corrumpatur. 6. nullo modo licere
occidere innocentes, scilicet per se &
directè; quia vita illorum est conserua-
tiua, & promotiua boni communis: at-
que adeò iudicem, si scit innocentem
falsò accusari, debere diligentius exami-
nare testes, ut inueniat occasionem eum
liberandi. Et si id non potest, debere
eum superiori relinquere iudicandum.
Quod si neque hoc possit non peccare
secundum allegata sententiam ferendo;

quia non ipse occidit innocentem , sed
illi qui eum asserunt nocentem. Mini-
strum autem non peccare obediendo, nisi
præceptum manifestam iniustitiam con-
tineat. 7. Illicitam esse defensionem , si
quis ad defendendam propriam vitam ,
vtatur maiori violentia quām oporteat:
licitam verò, si moderatè violentiam re-
pellat; quia secundum iura, vim vi re-
pellere licet, cum moderam ne inculpatæ
tutelæ. Irregularitatem tamen consequi
actum homicidij, et si hic iit à peccato
immunis, vt cùm Iudex aliquem iustè
condemnat ad mortem. 8. eum qui dat
operam rei illicitæ, aut qui dans operam
rei licitæ, non adhibet debitam diligen-
tiam, non euadere reatum homicidij si
ex eius opere morshominis sequatur. Vn-
de infertur, eum esse reum homicidij, qui
prægnantem percutit , si infans quem in
vtero gestat moriatur ; quia dat operam
rei illicitæ. Quibus positis.

Dico 1. eum qui priuata authoritate
proximum iniustè occidit, teneri tum ad
expensas quæ fiunt in curatione vulneris,
ad eas quæ fiunt in funere, si sunt maio-
res quām alioqui fuissent, vt dum quis
extra patriam occisus est. Teneri etiam
tum de damnis temporalibus , quæ ex
tali occisione, spectata spe lucri, oriun-

tur; ut si occisus aliqua arte, vel officio suos alebat: tum probabiliter de ipso damno vitæ temporalis, quod iuxta arbitrium viri prudentis, modo possibili compensari debet, ut ex S. Doctore 2.2. quæst. 62. art. 2. non obscurè colligitur. Et sanè si pro vita equi compensatio aliqua facienda est, quidni pro vita hominis?

Cæterum restitutio facienda est proximis, seu necessariis hæredibus, nem pè patri, si filius carens prole occisus est; filio, si pater; uxori, si maritus, & vice versa. Non autem iis qui succederent ab intestato, quales sunt fratres, nepotes, &c. Et multò minùs extraneis, si hæredes instituti sunt. Quia isti non reputantur una persona cum occiso, adeoque damnum non censetur illatum in re ipsorum.

Dico 2. prouocantes se ad duellum, non teneri ad restitutionem, si alter alterum occidat, quia saltem tacitè cedunt iuri suo. Et idem dic de eo, qui cum moderamine inculpatæ tutelæ, occidit inuasorem; quia non est iniusta causa damni. Quod verum est, etsi inuasus contumeliis, aliisque modis causam dederit inuasioni; quia nihilominus ex iure ipso natu ræ, propriam vitam defendere potest. Vnde non tenetur ad restitutionem adulteri,

qui cum debito moderamine, maritum adulteræ, à quo inuiditur, occidit. Potest etiam hoc extendi ad eum, qui casu aliquem occidit; ille enim non peccat, nec propriè est homicida, cùm nolit mortem alterius, siue in se, siue in causa sua, adeóq;ae non obligatur ad restitutionem. Nec refert quod ante dictum est, de eo qui grauidam percutit: illud enim debet intelligi de eo, qui scit esse grauidam, & ex percussione periculum proli immi-nere.

Dico 3. iudicem qui aliquem con-demnat ad mortem, teneri ad restitu-tionem. damnorum quæ inde sequuntur, tū si non sibi subditum, vel in ea causa exé-p-tum, condemnet; tum si sibi subditum, aliàs supplicio dignum, non seruato or-dine iuris condemnat; nempe, aut proce-dendo ex priuata scientia, aut cognitio-nem criminis extorquendo per iniuriam, &c. sic enim est iniustè restituere. Excipe, nisi superesset alia via, qua posset iudex reum legitimè & iuridice damnare; quia sic iniustitia non esset commissa in re ipsa, sed in modo dumtaxat.

Dico 4. testimoni qui scienter, vel ex ignorantia vincibili falso testimonium dixit, non modo teneri ad restitutionem damni, quod secutum est, sed etiam ad

retractationem sui testimonij, si talis retractatio sit profutura. Vnde quia in pari damno, potior est conditio innocentis, tenetur falsus testis retractare, etiam cum periculo vitae, si spes sit eum qui falso accusatus est, ab iniqua morte ea via liberandum. Dico scienter, &c. nam si inculpabiliter falso testetur, non tenetur ad restitutionem damni secuti.

Sed quid, si nolit restari? Respondeo 1. eum qui non se offert ut testetur, quando id necessarium est, ad liberandum innocentem, peccare quidem per se loquendo contra charitatem, non tamen contra iustitiam, adeoque non obligari ad restitutionem. 2. eum qui cum sit legitimè interrogatus, fraude declinat actum testificandi, teneri ad restitutionem damni secuti: quia tunc tenetur ex iustitia, falso accusatum suo testimonio indemnem reddere.

Porrò quia integritas virginalis inter bona corporis numerari solet: Quæri hic potest, ad quid teneatur, qui virginem constupravit. Respondeo 1. si virgo liberè consentiat, eaque sit extra curam parentum, deflorantem ad nihil teneri, quia volenti non fit iniuria. Si vero sit sub cura parentum, eum teneri erga parentes, ad restitutionem damni inde secuti, nisi.

138 TRACTATUS

etiam ipsi in stuprum consenserint. 2. si virgo vi. aut fraude fuit deflorata, corruptorem teneri ad contrahendum cum ea matrimonium, et si non promiserit; vel ad restituenda omnia damna, quæ ex defloratione sequuntur. Quid autem factio opus sit, quando quis sub promissione matrimonij, virginem deflorauit, habes in Idea Theologij Sacramentalis, cap. 37.

Quæti etiam potest, ad quid teneatur qui adulterium, cum uxore alterius commisit. Respondeo i. si id factum sit sine mariti iniuria, quia nesciuit, & sine danno filiorum legitimorum, quia partus non est secutus, adulterum ad nullam satisfactionem, aut compensationem teneri. 2. si proles ex adulterio nata sit, adulterum teneri ad eam alendam, à tertio post nativitatem anno; & ad restitutionem bonorum, quæ illi ex communī hæreditate, tanquam proli legitimæ obueniunt. Quia per iniustitiam causa est, quod filii legitimi ea portione iis debita priuentur.

CONCLUSIO II. Qui proximum l̄x̄sit in bonis famæ, & honoris, tenetur ad restitutionem.) Priusquam hoc probetur, Notandum i. ex S. Doctore 2. 2. quest. 73. art. 1. detractionem, quæ nihil est aliud quam alienæ famæ, per occulta verba denigratio, dupliciter dif-

DE IVSTITIA. CAP. VI. 139

ferre à contumelia ; primò quantum ad modum proponendi verba, quia scilicet contumeliosus manifestè contra aliquem loquitur, detractor autem occultè. Secundò quantum ad finem intentum, siue quantum ad nocumentum illatum, quia contumeliosus in aliquem, eum parcipendit, adeoque derogat illius honori; detractor verò eum, contra quem verba profert in occulto, videtur vereri magis quam parcipere; ac proinde non derogat directè illius honori, sed famæ, quatenus conatur ingenerare aliis malam opinionem de illo.

Notandum 2. ex respons. ad 3. aliquem dici detrahere de aliquo, non quia diminuit de veritate, sed quia diminuit famam eius : idque aut directè, aut indirectè. Directè quidem quadrupliciter, 1. quando falso imponit alteri, 2. quando peccatum auget suis verbis, 3. quando occultum reuelat, 4. quando id quod est bonum, dicit mala intentione factum. Indirectè autem vel negando bonum alterius, vel malitiosè reticendo, vel minuendo.

Notandum 3. ex art. 2. detractionem per se loquendo esse peccatum mortale, eo quod fama inter res temporales videtur pretiosior. Non tamen esse pecca-

tum, aut detractionem, ex causa aliqua
necessaria proferre verba, per quæ fama
alterius lœditur, seruatis debitibus circun-
stantiis. Ea verò proferre ex leuitate, non
esse peccatum mortale, nisi verbum quod
dicitur sit adeò graue, ut notabiliter fa-
mam alterius lœdat, & præsertim in his
quæ ad honestatem vitæ pertinent.

Quibus prænotatis quod famæ restitu-
tio facienda sit, tradit idem S. Doctor
z.z. quæst. 62. art. 2. ad 2. his verbis.
Dicendum quod aliquis potest alicui fa-
mam tripliciter auferre, uno modo verū
dicendo, & iustè, puta cum aliquis cri-
men alicuius prodit, ordine debito ser-
uato; & tunc non tenetur ad restitutio-
nem famæ. Alio modo falsum dicendo;
& iniuste, & tunc tenetur restituere famā,
cōfitendo se falsū dixisse. Tertio modo
verū dicendo, sed iniuste, puta cum ali-
quis prodit crimen alterius contra ordi-
nem debitum; & tunc tenetur ad restitu-
tionem famæ, quantum potest, sine men-
dacio tamen; ut pote quod dicat se male
dixisse, vel quod iniuste eum diffamaue-
rit. Vel si non possit famam restituere,
debet ei aliter recompensare, sicut & in
aliis dictum est. Ita ille.

His autem maioris explicationis gra-
tia, nonnulla addenda sunt. 1. non esse

DE IVSTITIA. CAP. VI. 14

obligationem restituendi, saltem ordinariè, nisi detractio sit de re graui. 2. non sufficere qualemque peccatum graue, nisi tale sit, ut per illud proximus infametur. Vnde non est obligatio restituendi, si quis dicat militem fornicatum esse, aut prouocasse ad duellum; quia his vietiis non grauiter laeditur fama eiusmodi hominum 3. non esse obligationem restituendi, si crimen hic detrectum alibi sit publicum, vel notoreitate iuris, vel notoreitate facti, vel ita ut fama illius ex sufficientibus indicis orta, peruenierit ad maiorem partem ciuitatis, aut pagi, &c. adeoque dicitur famosum. Tunc enim peccatum manifestans, non peccat contra iustitiam, cum delinquens amiserit ius ad famam, eo ipso quod illius crimen aliquo ex dictis modis sit publicum. 4. cum non teneri ad restitutionem, qui refert peccatum publicum, propter quod Paulus fuit alias infamatus; et si postea resipuerit, & bonis actibus famam acquisierit. Licet enim eiusmodi relatio repugnet charitati, non tamen iustitiae modo refertens non indicet Paulum, etiam nunc esse infamem. 5. eum qui peccatum proximi occultum reuelavit nonnullis, quos probabiliter existimabat idem peccatum aliis manifesturos, teneri ad re-

TRACTATVS

fl 42^r **P**ititionem famæ, apud omnes, idque vel per se, vel per alium: quia sic censetur causa efficax totius infamiae. Secùs si ille cui reuelauit erat vir prudens, & secretū probabiliter seruaturus erat; quia quod talis crimen vulgauerit, est omnino casuale respectu primi reuelantis. 6. esse peccatum mortale contra iustitiam, adeoque inferens obligationem restituendi, infamatum in uno peccati genere, infamare in alio, quod non habet connexiōnem cum illo; ut si dicas Titium, qui iam propter adulterium infamatus est, male sentire de rebus fidei. Quia et si famam amiserit quoad priorem materiā, non tamen quoad posteriorem, adeoque non potest illa priuari sine iniustitia. 7. cum qui simpliciter, & absque asseveratione peccata alterius audita refert, non peccare mortaliter, nec teneri ad restitutiōnem, si prudenter existimet alios non credituros. Secùs si ita referat, ut merito alij credere possint, vera esse quæ dicit, aut etiam graue aliquod malum de proximo suspicari. 8. cum qui detrahentem audit, & de detractione delectatur, pecare contra charitatem; & si prætereat ei non resistat, cum possit, & teneatur, pecare etiam contra iustitiam, proindeque teneri ad restitutiōnem famæ. 9. Resti-

tutionem ita faciendam esse, ut qui aliquem falsum dicendo infamauit, honorifice loquatur de eo, de quo detraxit; idque in eadem materia, & coram iis qui eum detrahentem audierant. Qui vero ab aliis audita retulit, dicat te leuiter retulisse, aut huiusmodi rumoribus fidem non esse adhibendam. 10. obligationem restituendi cessare, tum si infamatus remittat, modo infamia non redundet in alios; tum si quis longè inferiorem infamauit, nec possit restituere sine iactura propriæ famæ: sufficit enim quod infamatum laudet, aut iniuriam pecunia compenset; tum si infamatus, alia via famam recuperauit, aut diuturnitate temporis infamia extincta sit: tum si ille quem infamasti, te vicissim in simili materia infamet: in hoc enim datur compensatio, modo seruetur aequalitas.

Ex his autem collige 1. restituendum esse honorem, siue per contumeliam, siue per derisionem ablatum; idque non modo apud illum cui honor ablatus est, sed etiam apud alios, coram quibus illius honor violatus fuit. 2. consurgere etiam obligationem restituendi ex fusurazione, quæ tendit ad seminandas discordias inter amicos; hoc enim peccatum infert

graue damnum contra iustitiam, eoque
peius est detractione, & contumelia, quo
amicitia quam conatur dissoluere, est
præstantior fama, & honore. 3. Non ta-
men esse obligationem restituendi præ-
cisè, ob iudicium temerarium; quo quis
sine sufficienti fundamento male iudicat
de proximo in re graui: licet enim hoc
sit peccatum mortale ex genere suo, cùm
tamen sit internum, non magis obligat
ad restitutionem, quàm voluntas firi-
andi, quæ non coniuncta est cum furto
actuali externo.

CONCLVSIONE III. Qui pro-
ximum læsit in bonis fortunæ per furcū,
tenetur ad restitutionem.) De hac re sa-
tis constat ex dictis in hoc, & in præce-
denti capite. Hic tantum quædam ob-
seruanda sunt pro praxi, i. eum qui nota-
bilem quantitatē furatus est, teneri sub
peccato mortali ad restitutionem. 2.
rem furto ablatam restituendam esse, si
extat; aut si non extat, æquialenter
compensandam. Nisi opportunè ante-
quam perierit, domino esset oblata, aut
similiter apud dominum peritura fuisset.
3. rem furto ablatam, etsi sit ameliora-
ta, restituendam esse, subductis tamen,
salem in foro conscientiæ, expensis quæ
in domini utilitatem factæ sunt 4. furem
obligari

obligari ad compensationem totius
damni ex furto emergentis, & lucri
cessantis. 5. obligationem restituendi
transire ad hæredes furis, ita ut singu-
liteneantur pro rata hæreditatis, esto
aliqui pro sua parte non restituant. 6.
etsi speculatiuè loquendo probabile sit,
eum qui modica furando, paulatim
peruenit ad notabilem quantitatem,
obligari sub mortali ad restitutionem:
In praxi tamen non facile iudicandum,
talem obligationem vrgere, cum ple-
rumque ignorantia, aut bona fides hac
in re excuset; & ex variis circumstantiis
coniici possit, dominum non esse ratio-
nabiliter inuitum, aut eiusmodi furta
condonare. Quare probabile est, non
esse iniungendam restitutionem, nisi
pœnitens minima furatus esset, ex in-
tentione perueniendi tandem ad sum-
mam notabilem; aut omnia furta ha-
berent aliqua ratione modum vnius, ut
fit dum mercatores falsis ponderibus,
aut mensuris merces distrahunt.

Quæres 1. an fraudantes vectigalia
& gabellas, à principibus iustè imposi-
tas, peccent mortaliter, & teneantur ad
restitutionem. Responsio quorundam
distinguit inter res quæ aduehuntur
causa negotiationis, & illas quæ sunt
de iust. G

necessariæ ad vsum familiæ: vultque gabellas impositas supra res prioris generis, ex iustitia soluendas esse, non autem impositas supra res posterioris generis. Verùm cùm subditi in graui necessitate teneantur, non modo bona temporalia, sed ipsam quoque vitam pro bono cōmuni exponere, nulla ratiō est, cur non possint vectigalia legitimè imponi, super iis rebus quæ ad vsum necessarium familiæ emuntur, aut venduntur; si ea quæ ex aliis rebus sumuntur; publicis necessitatibus non sufficiant.

Quæres 2. an restituenda sint acqui-sita per ludum S. Thomas 2. 2. quæst. 32. art. 7. ad 2. duo tradit huc spectan-tia. Primo, ex iure diaino eum teneri ad restitutionem, qui per aleas aliquid acquisiuit, siue ab iis qui rem suam a-lienare non possunt, quales sunt mino-nes, furiosi, & similes: siue ab iis quos ex cupiditate lucrandi, traxit ad ludum: siue ab iis à quibus aliquid per fraudes, anter ludendam adhibitas, lucratus est.

Secundò ait, eos qui ludo lege hu-mana prohibito, aliquid lucrantur, te-neri ad restitutionem, si eiusmodi legi-bus sint subiecti; nisi forte contraria consuetudo præualeat, aut nisi quis lu-

eratus sit ab eo, qui traxit eum ad ludum: tunc enim non tenetur restituere, quia qui amisit, non meretur recipere; nec etiam licetē retinere potest, tali iure positivo durante. Vnde sic acquisitum in eleemosynas erogare debet.

Verūm circa prius dictum S. Thomæ, Obseruandum 1. si pupillus, & minor soluant quod per ludum amiserunt, posse collusorem tutę conscientia acceptum retinere, donec in iudicio repetatur. 2. eum teneri ad restitutionem, qui aliquid lucratus est ab eo. quem vi aut graui metu impulit ad ludendum, non autem si tantum precibus ad hoc eum induxit; quia priori modo res per iniuriam acquiritur, non posteriori. 3. non teneri ad restitutionē eum, qui inter ludendum vtitur fraudib⁹, quas ipsime ludentes sciunt communiter adhiberi, quia tuuc nulli fit iniuria: secūs verò si quis lucretur per fraudes non consuetas, aut collusori ignotas. Vnde fraudator tenetur non solum restituere quod lucratus est, sed etiam ex suo tribuere, quicquid alter lucratus esset, si fraus defuisset. Tenetur etiam restituere, qui cùm longè maiorem in ludo peritiam habeat, firgit se minùs peritum, vt ea arte simpliciores, qui alias

lussis̄t ad ludendū inducat. Quia quod per ludū cui fraus seu dolus dat causā, acquiritur, per iniuriā censem̄tur acquiri, adeoque obnoxium est restitutioṇi.

Circa posterius dictū, Nota 1 ex multorum sententiā, eū qui credita pecunia, aliquid perdidit ludo lege humana vētito, non teneri in foro conscientiæ, illud soluere: quia cūm ius Cæsareū concedat victo, si soluerit, ius repetendi, eo ipso illum eximit obligatione soluendi, Nec refert, quod ex iure ipso naturæ, teneamur stare promisis: hoc enim verū est, nisi superior potestas det facultatem, eiusmodi promissa non implendi.

Nota 2. et si victor non possit rem, quam per ludum prædictum lucratus est, extorquere, si victus eam soluere renuat, posse tamen eam exigere & illius dominium acquirere, si ipsi soluantur; ac proinde non teneri ad restitutioṇem ante sententiam Iudicis. Ius enim positivum non irritat contractum ludi, esto quæ per illum deperduntur, repetendi facultatem concedat. Verū hæc de restitutioṇe, atque adeò de tota Theologia Morali dicta sufficiant,